



Број: 03/10-50-18-43-5/24
Сарајево, 1.4.2024.

Истраживање број: 357
Врста истраживања: **INF**

**СЛУЖБЕНА ВОЗИЛА ИНСТИТУЦИЈА БОСНЕ И ХЕРЦЕГОВИНЕ
СТАВЉЕНА НА РАСПОЛАГАНЈЕ 24 САТА ДНЕВНО**

Припремиле:
Нихада Јелећ
Аида Османовић

Истраживање је намењено посланицима и делегатима, који могу поставити додатна питања, сугестије и коментаре на email адресу: istrzivacki.sektor@parlament.ba.

Јавност Босне и Херцеговине може коментирати радове, али Истраживачки сектор нема могућност да одговара на коментаре и дискутира о истраживању.

Информације наведене у садржају истраживања важеће су у тренутку припреме истраживања и оне се не ажурирају након објаве истраживања.

Истраживање не одражава званичан став Парламентарне скупштине Босне и Херцеговине (PSBiH).

Sadržaj

I. Uvod	3
II. Ukratko o odgovorima institucija Bosne i Hercegovine	3
III. Pravna osnova dodjele službenog vozila na raspolaganje 24 sata dnevno	4
IV. Inicijativa za ukidanje raspolaganja vozilom 24 sata dnevno	5

SLUŽBENA VOZILA INSTITUCIJA BOSNE I HERCEGOVINE STAVLJENA NA RASPOLAGANJE 24 SATA DNEVNO

I. Uvod

U fokusu rada, koji je pripremljen na zahtjev ovlaštenog naručioca, su službena vozila institucija Bosne i Hercegovine koja su određenim imenovanim licima i rukovodećim državnim službenicima dodijeljena na raspolaganje 24 sata dnevno.

Na jednom mjestu su, u tabelarnom pregledu koji je u prilogu ovog rada, objedinjeni odgovori institucija na zastupničko pitanje broj: [01-50-1-758/23](#) od 29. marta 2023. godine, a prema zahtjevu naručioca. Zastupničko pitanje je dostavljeno za 73 državne institucije, a u Predstavnički dom je pristiglo 68 odgovora. Inače, pitanje i pristigli odgovori institucija su dostupni na internetskoj stranici Parlamentarne skupštine Bosne i Hercegovine: <https://www.parlament.ba/oquestion/ORQuestionDetails?contentId=3267>.

Rad obuhvata, također prema zahtjevu naručioca, i dostupne informacije koje se odnose na zastupničku inicijativu broj: [01-50-1-1365/23](#) od 19.6.2023. godine kojom je traženo da se ukine pravo pojedincima da koriste službeno vozilo 24 sata dnevno te da se službena vozila institucija Bosne i Hercegovine koriste samo i isključivo u službene svrhe. Navedena inicijativa, informacije vezane za istu iz Predstavničkog doma Parlamentarne skupštine Bosne i Hercegovine i Vijeća ministara Bosne i Hercegovine također su dostupni na: <https://www.parlament.ba/oinitiative/ORInitiativeDetails?contentId=107445>.

Kako bi se dobila što cjelovitija slika i obuhvatilo što je moguće više aspekata ovog pitanja, koristan je Izvještaj o provedenoj reviziji učinka „Upravljanje voznim parkom u institucijama BiH“, iz decembra 2023. godine koji je sačinio Ured za reviziju institucija Bosne i Hercegovine.

Budući da zahtjevom nije tražen navedeni Izvještaj, u radu nije ni detaljno obrađen. Cjelokupan Izvještaj je dostupan na sljedećoj internetskoj stranici: <https://www.revizija.gov.ba/Content/OpenAttachment?Id=67c8f165-dbcf-4fef-90ee-2c208d60e3d6&langTag=bs>.

II. Ukratko o odgovorima institucija Bosne i Hercegovine

Prema dostavljenim zvaničnim odgovorima, u 68 institucija je ukupno 156 službenih vozila stavljeno na raspolaganje 24 sata dnevno imenovanim licima i rukovodećim državnim službenicima na nivou države Bosne i Hercegovine, odnosno ministrima i direktorima institucija, njihovim zamjenicima i pomoćnicima, šefovima kabineta, sekretarima ministarstava itd. Važno je napomenuti da državne institucije posjeduju i druga vozila koja koriste u službene svrhe, odnosno za vršenje poslova i zadataka iz svoje nadležnosti.

S obzirom na to da pet institucija nije dostavilo odgovor (*Predsjedništvo Bosne i Hercegovine, Agencija za antidoping kontrolu Bosne i Hercegovine, Agencija za statistiku Bosne i Hercegovine, Komisija za očuvanje nacionalnih spomenika Bosne i Hercegovine te Konkurencijsko vijeće Bosne i Hercegovine*) kao i da pitanjem nisu obuhvaćene sve državne institucije, navedeni broj službenih vozila datih na raspolaganje 24 sata dnevno nije konačan.

Jedna specifičnost se izdvaja od ostalih odgovora. U Graničnoj policiji Bosne i Hercegovine direktor, njegov zamjenik i pomoćnik koriste tri specijalizirana službena vozila 24 sata dnevno, iako je Pravilnikom Vijeća ministara jasno propisano da su „službena vozila za specijalizovane namjene vozila za obavljanje operativnih policijskih aktivnosti”.

Iz analiziranih odgovora je, također, vidljivo da rukovodioci 15 državnih institucija, iako prema važećim propisima imaju tu mogućnost, nisu stavili na raspolaganje niti jedno službeno vozilo. Na primjer Centralna banka Bosne i Hercegovine je odgovorila da nijedno imenovano lice (ni guverner niti viceguverneri ili direktori glavnih jedinica i filijala) nema na raspolaganju službeno vozilo na raspolaganju 24 sata dnevno. Sedam službenih vozila Banke isključivo se koriste za službene posjete i službena putovanja uz putni nalog.

III. Pravna osnova dodjele službenog vozila na raspolaganje 24 sata dnevno

Korištenje službenih vozila 24 sata dnevno određenim imenovanim licima i rukovodećim državnim službenicima omogućeno je izmjenama i dopunama *Pravilnika o uslovima nabavke i načinu korištenja službenih vozila u institucijama Bosne i Hercegovine* iz 2017. godine („Službeni glasnik BiH“, broj [42/17](#)).

Članom 6. stav (6) Pravilnika propisano je: „*Korištenje službenog vozila kontinuirano tokom 24 sata dnevno, rukovodilac institucije odobrava posebnim aktom*“.

Ovaj akt Vijeća ministara obavezujući je za skoro sve državne institucije koje čine izvršnu vlast. One su na osnovu spomenutog akta donijele i svoje interne pravilnike. Naravno, njim nisu obuhvaćene sudska i zakonodavna vlast, kao i neke specifične institucije koje su donijele svoje pravilnike o ovom pitanju, npr. Parlamentarna skupština Bosne i Hercegovine, Predsjedništvo Bosne i Hercegovine, Centralna Banka Bosne i Hercegovine itd.

Nadalje, Vijeće ministara Bosne i Hercegovine je 2023. godine usvojilo novi Pravilnik istog naziva („Službeni glasnik BiH“, broj [34/23](#)). Kada su u pitanju vozila dodijeljena na korištenje 24 sata dnevno, na snazi je ostala gore citirana odredba člana 6. st. (6), ali su izmjene napravljene po pitanju punih naloga.

U članu 7. stav (5) propisano je; „*Ukoliko službenim vozilom upravlja samo jedno lice, u putni nalog upisuje se mjesečna kilometraža, a relacije u toku mjeseca navode se samo za putovanja koja podrazumijevaju putovanje duže od 80 kilometara*“.

To znači da za pređenih do 2.400 km mjesečno, odnosno do 28.000 km godišnje pojedinci nemaju obavezu pisati putne naloge, obrazložiti svrhu putovanja, rute i sl.

Kada su u pitanju službena vozila stavljena na raspolaganje 24 sata dnevno, budžetski novac se, osim na njihovu kupovinu izdvaja i za kasko osiguranje tih vozila, gorivo, parking, registraciju, servisiranje itd.

Treba dodati da institucije Bosne i Hercegovine posjeduju i ostala vozila koja koriste u službene svrhe, odnosno za vršenje poslova i zadataka iz svoje nadležnosti. Ured za reviziju je naveo da za nivo institucija Bosne i Hercegovine ne postoje zvanični podaci o *ukupnom* broju vozila te da se pretpostavlja da je njihov okviran broj oko 4.000.

„Godišnja izdvajanja za tekuće izdatke voznog parka institucija BiH su oko 15 miliona KM, dok je za nabavku vozila u posljednjih pet godina utrošeno oko 34 miliona KM.“¹

IV. Inicijativa za ukidanje raspolaganja vozilom 24 sata dnevno

Zastupnička inicijativa - Zastupnik u Predstavničkom domu Parlamentarne skupštine Bosne i Hercegovine Šemsudin Mehmedović je 19.6.2023. godine uputio zastupničku inicijativu koja se odnosi na službena vozila.

Zastupnik je predložio da Predstavnički dom traži od **Vijeća ministara Bosne i Hercegovine** da pokrene postupak izmjene Pravilnika o uslovima nabavke i načinu korištenja službenih vozila u institucijama Bosne i Hercegovine („Službeni glasnik BiH“, broj 34/23) s ciljem da se u članu 6. briše stav (6) i da se u članu 7. briše stav (5), koji regulira korištenje službenog vozila kontinuirano tokom 24 sata dnevno i putni nalog za službena vozila kojima upravlja samo jedno lice.

U Inicijativi je, pored ostalog, navedeno sljedeće: „Rukovodilac institucije sam sebi odobrava korištenje vozila bez ikakve saglasnosti i kontrole organa koji ga je imenovao, a ostalima bez ikakvog kriterija. **Ne postoji razlog da bilo koji rukovodilac u ovoj državi ima vozilo 24 sata na raspolaganju**, osim šticećenih osoba, **jer se cjelokupan radni proces u većini institucija odvija u jednoj zgradi**. Čak i institucije koje imaju poslovne jedinice u više gradova nemaju opravdanje za to. (...) Postoje brojni primjeri zloupotrebe službenih vozila stavljenih na raspolaganje 24 sata dnevno“.

Inicijativom je, pored ukidanja spornih članova navedenog Pravilnika, predloženo da se službena vozila institucija Bosne i Hercegovine koriste samo i isključivo u službene svrhe te da je potrebno da Vijeće ministara Bosne i Hercegovine utvrdi jasan kriterij ko, u skladu sa službenim ovlaštenjima, ima pravo na korištenje službenog vozila 24 sata dnevno (npr. šticećene osobe), a ne da rukovodilac bilo koje agencije ili institucije samostalno odlučuje o tome.

Predstavnički dom PS BiH - Predstavnički dom Parlamentarne skupštine Bosne i Hercegovine je na [11. redovnoj sjednici](#) koja je održana 21. septembra 2023. godine, u drugom krugu glasanja, usvojio ovu Inicijativu, koja je nakon toga dostavljena Vijeću ministara Bosne i Hercegovine.

Vijeće ministara Bosne i Hercegovine – Na sjednici 3. oktobra 2023. godine Vijeće ministara Bosne i Hercegovine je razmatralo navedenu Inicijativu te šest dana kasnije obavijestilo Predstavnički dom da „**prijedlog zaključaka po istoj (...) nije dobio potrebnu većinu**“ niti u prvom niti u drugom krugu glasanja.

Rezultat glasanja u oba kruga je bio identičan. Inicijativa je dobila šest glasova ZA od sljedećih članova Vijeća ministara Bosne i Hercegovine:

¹ Izvještaj o provedenoj reviziji učinka „Upravljanje voznim parkom u institucijama BiH“, str. 10.

Izvor: internetska stranica Ureda za reviziju institucija Bosne i Hercegovine

<https://www.revizija.gov.ba/Content/OpenAttachment?Id=67c8f165-dbcf-4fef-90ee-2c208d60e3d6&langTag=bs>
(datum pristupa 28. mart 2024.)

- ✓ predsjedateljice Vijeća ministara,
- ✓ ministra odbrane,
- ✓ ministra vanjskih poslove,
- ✓ ministrice civilnih poslove,
- ✓ zamjenika ministra pravde,
- ✓ zamjenice ministra za ljudska prava i izbjeglice.

Sljedeća tri člana Vijeća ministara Bosne i Hercegovine su glasala PROTIV Inicijative:

- ✓ ministar finansija i trezora,
- ✓ ministar vanjske trgovine i ekonomskih odnosa,
- ✓ zamjenik ministra komunikacija i prometa.

U nastavku rada se nalazi tabelarni pregled traženih informacija za svaku instituciju koja je dostavila odgovor.

SLUŽBENA VOZILA U INSTITUCIJAMA BOSNE I HERCEGOVINE (2023.)
Institucije su dostavile informacije u periodu april - juli 2023. godine

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
1.	Agencija za državnu službu Bosne i Hercegovine	0	0	-	-
2.	Agencija za forenzička ispitivanja i vještačenja Bosne i Hercegovine	ukupno 5 vozila (2 službena vozila i 3 specijalizirana vozila)	2	direktor Agencije	Volkswagen Passat, 2018.
				v.d. zamjenika direktora	Škoda Superb, 2009.
3.	Agencija za identifikacione dokumente, evidenciju i razmjenu podataka Bosne i Hercegovine	25	3	direktor Agencije	Hyundai Tuscon, 2021.
				v.d. zamjenik direktora Agencije	VW Golf, 2013.
				pomoćnik direktora- načelnik Centra za skladištenje, personalizaciju i transport dokumenata Agencije	Peugeot 301, 2017.
4.	Agencija za javne nabavke Bosne i Hercegovine	2	0	-	-
5.	Agencija za lijekove i medicinska sredstva Bosne i Hercegovine	5 (3 službena vozila i 2 specijalizirana)	2	direktor Agencije	<i>nije navedeno u odgovoru</i>
				zamjenik direktora Agencije	<i>nije navedeno u odgovoru</i>
6.	Agencija za nadzor nad tržištem Bosne i Hercegovine	2	2	direktor Agencije	VW Passat B6, 2016.
				zamjenik direktora	Škoda Octavia Ambition, 2018.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
7.	Agencija za predškolsko, osnovno i srednje obrazovanje Bosne i Hercegovine	2	0	-	-
8.	Agencija za osiguranje u Bosni i Hercegovini	1	0	-	-
9.	Agencija za policijsku podršku	3	2	direktor Agencije	Hyundai Tucson, 2017.
				zamjenik direktora Agencije	Hyundai Corolla, 2022.
10.	Agencija za poštanski promet Bosne i Hercegovine	4	3	predsjedavajući Vijeća Agencije	VW Golf VII, 2018.
				član Vijeća Agencije	VW Golf VII, 2018.
				član Vijeća Agencije	VW Golf VII, 2018.
11.	Agencija za prevenciju korupcije i koordinaciju borbe protiv korupcije Bosne i Hercegovine	3	3	direktor Agencije	Škoda Octavia, 2012.
				zamjenik direktora Agencije	Škoda Octavia, 2012.
				zamjenik direktora Agencije	Škoda Octavia, 2012.
12.	Agencija za rad i zapošljavanje Bosne i Hercegovine	2	1	direktor Agencije (v.d. direktor, imenovan u decembru 2022., ne želi koristiti ovo pravo)	VW Passat, 2016.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
13.	Agencija za razvoj visokog obrazovanja i osiguranje kvaliteta Bosne i Hercegovine	3	3	direktor Agencije	VW Passat, 2015.
				zamjenica direktora Agencije	Škoda Octavia, 2011.
				zamjenik direktora Agencije	Dacia Duster, 2022.
14.	Agencija za sigurnost hrane Bosne i Hercegovine	3	2	direktor Agencije	Škoda Kodiaq Ambition, 2021. <i>(donacija EU)</i>
				zamjenik direktora Agencije	Škoda Octavia, 2017.
15.	Agencija za školovanje i stručno usavršavanje kadrova	2	2	direktor Agencije	Volvo XC60, 2011.
				zamjenik direktora Agencije	Škoda Octavia, 2020.
16.	Agencija za zaštitu ličnih podataka u Bosni i Hercegovini	3	2	direktor Agencije	VW Passat, 2018.
				zamjenik direktora	Opel Insignia, 2017.
17.	Agencija za unaprjeđenje stranih investicija u Bosni i Hercegovini	2	0	-	-

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
18.	Centar za informiranje i priznavanje dokumenata iz oblasti visokog obrazovanja Bosne i Hercegovine	2	1	direktor Centra	Hyundai Tuscon 1.6 T-6DI 6 MT 2WD, 2022.
19.	Centralna banka Bosne i Hercegovine	7	0	-	-
20.	Centralna harmonizacijska jedinica Ministarstva finansija i trezora Bosne i Hercegovine	2	2	direktor CHJ	VW Passat B8 2,0 TD, 2016.
				zamjenik direktora CHJ	Citroen C Elysee D, 2015.
21.	Centralna izborna komisija Bosne i Hercegovine	4 -Škoda Octavia Ambiente 2012. -Škoda Super B 2, 2014. -VW Passat 2.0 TDI BMT Comfortline, 2016. -Nissan Qashqai 1.6, 2015. (nije u upotrebi zbog totalne štete uzokovane saobraćajnom nesrećom)	0	<i>Pravo na korištenje službenog vozila imaju članovi CIK BiH (sedam članova) i generalni sekretar CIK BiH i to za dolazak na posao i odlazak s posla, kao i za odlazak u mjesto prebivališta u vrijeme vikenda i praznika i dolazak u mjesto rada. To pravo ne koriste dva člana CIK BH. Na posao dolaze i odlaze s posla svojim osobnim automobilom.</i>	

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
22.	Direkcija za evropske integracije Bosne i Hercegovine	3	0 <i>Jedno službeno vozilo koristi direktor DEI za dolazak na posao i odlazak s posla, kao i izvršavanje redovnih službenih zadataka tokom radnog vremena.</i>	-	-
23.	Direkcija za civilno zrakoplovstvo	13 (10 specijaliziranih)	3	generalni direktor BHDCA	Renault Kadjar, 2016.
				zamjenik generalnog direktora	Renault Kadjar, 2016.
				zamjenik generalnog direktora	Renault Kadjar, 2016.
24.	Direkcija za ekonomsko planiranje Bosne i Hercegovine	2	1	direktor Direkcije	Škoda Octavia, 2014
25.	Direkcija za koordinaciju policijskih tijela Bosne i Hercegovine	4	3	direktor Direkcije	VW Passat, 2016.
				zamjenik direktora Direkcije	VW Passat, 2017.
				zamjenik direktora Direkcije	VW Passat, 2017.
26.	Državna agencija za istrage i zaštitu	170 službenih specijaliziranih vozila 2 službena vozila	2	direktor Agencije	Volkswagen Passat, 2018.
				zamjenik direktora Agencije	KIA SPORTAGE, 2022.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
27.	Državna regulatorna agencija za radijacijsku i nuklearnu sigurnost Bosne i Hercegovine	7	7	direktor	Passat , 2010.
				zamjenik direktora	Tiguan, 2011. g.
				zamjenik direktora	Škoda Yeti, 2010.
				inspektor u Sarajevu	Škoda Octa, 2009.
				inspektor u Mostaru	Škoda Octa, 2009.
				inspektor u Banja Luci	Škoda Octa, 2010.
				vozač - kurir	Polo, 2011.
28.	Fond za povratak Bosne i Hercegovine	2	1	direktor Fonda	Škoda Octavia, 2016.
29.	Generalni sekretarijat Vijeća ministara Bosne i Hercegovine	7	2 (3 vozila stavljeno na raspolaganje 24 sata)	predsjedateljica Vijeća ministara Bosne i Hercegovine	VW Phaeton 2013. VW Touareg 2013.
				generalni sekretar Vijeća ministara BiH	VW Passat, 2013.
30.	Granična policija Bosne i Hercegovine	338 službenih motornih vozila 1 službeno vozilo za kurirske poslove	3	direktor Granične policije	BMW 5L 530D, 2011. (specijalizirano službeno vozilo)
				zamjenik direktora Granične policije	VW Passat, 2017. (specijalizirano službeno vozilo)
				pomoćnik direktora Granične policije	VW Passat, 2017. (specijalizirano službeno vozilo)
31.	Institucija ombudsmana za ljudska prava u Bosni i Hercegovini	4	0	-	-
32.	Institucija ombudsmana za zaštitu potrošača u Bosni i Hercegovini	1	1	ombudsman za zaštitu potrošača u Bosni i Hercegovini	Škoda Octavia, 2022.
33.	Institut za akreditiranje Bosne i Hercegovine	2	2	direktor Instituta	Hyundai Tucson, 2016.
				zamjenik direktora	Hyundai i30, 2010.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
34.	Institut za intelektualno vlasništvo Bosne i Hercegovine	1	1	direktor Instituta	Škoda Octavia, 2009.
35.	Institut za mjeriteljstvo Bosne i Hercegovine	2	0	-	-
36.	Institut za nestale osobe Bosne i Hercegovine	23	23 (Napomena: 3 automobila nisu zadužena jer su radna mjesta upražnjena: istražitelj - Škoda Fabia, 2011. istražitelj - Peugeot 301, 2018. vozač u Kabinetu Kolegija direktora – Škoda Rapid, 2014.)	član Kolegija direktora	Škoda Octavia, 2014.
				član Kolegija direktora	Peugeot 301, 2018.
				vozač u Kabinetu Kolegija direktora	Peugeot 301, 2018.
				šef Područnog ureda	Peugeot 301, 2018.
				šef Područnog ureda	Peugeot 3008, 2015.
				šef Područnog ureda	Peugeot 301, 2018.
				istražitelj	Peugeot 301, 2018.
				istražitelj	Dacia Duster, 2019.
				istražitelj	Dacia Duster, 2019.
				istražitelj	Peugeot 301, 2018.
				istražitelj	Peugeot 301, 2018.
				istražitelj	Peugeot 301, 2018.
				istražitelj	Škoda Fabia, 2009.
				istražitelj – vozilo u vlasništvu Distrikta Brčko	Škoda Fabia, 2007.
				istražitelj	Toyota Hillux, 2009.
istražitelj	Toyota Hillux, 2009.				
istražitelj	Ford Ranger, 2007.				
istražitelj	Mitshubishi L200, 2018.				
istražitelj	Škoda Yeti, 2010.				
istražitelj	Peugeot 301, 2018.				

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
37.	Institut za standardizaciju Bosne i Hercegovine	2	2	direktor Instituta	Škoda Octavia, 2016.
				zamjenik direktora Instituta	Škoda Rapid, 2018.
38.	Komisija za koncesije Bosne i Hercegovine	2	1	zamjenik predsjedavajućeg Komisije	Škoda Rapid, 2015.
39.	Konkurencijsko vijeće Bosne i Hercegovine	2	2	predsjednik Konkurencijskog vijeća	Renault Laguna, 2010. ili Fiat 500L, 2016.
				član Konkurencijskog vijeća	Renault Laguna, 2010. ili Fiat 500L, 2016.
40.	Ministarstvo civilnih poslova Bosne i Hercegovine	8	2	zamjenik ministra	<i>Nije navedeno u odgovoru.</i>
				sekretar Ministarstva	<i>Nije navedeno u odgovoru.</i>
41.	Ministarstvo finansija i trezora Bosne i Hercegovine	6	4	ministar	Audi A6, 2016.
				zamjenik ministra	VW Passat 2.0, 2013.
				šef Kabineta ministra	Škoda Octavia, 2013.
				sekretar Ministarstva	VW Golf 7, 2016.
42.	Ministarstvo komunikacija i prometa Bosne i Hercegovine	7	4	ministar	VW Passat, 2022.
				zamjenik ministra	VW Passat, 2015.
				sekretar Ministarstva	Škoda Superb 2019.
				šef Kabineta ministra (prema internom pravilniku)	<i>Ne koristi službeno vozilo.</i>

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
43.	Ministarstvo odbrane Bosne i Hercegovine	14	8	ministar odbrane	Škoda Superb 2017.
				zamjenik ministra za politike i planove	Passat B8 2020.
				zamjenik ministra za upravljanje resursima	Passat B8 2020.
				sekretar Ministarstva	Škoda Octavia, 2021.
				generalni inspektor Ministarstva	Peugeot 508, 2016.
				Katoličko dušebrižništvo	Škoda Octavia, 2017.
				Pravoslavno dušebrižništvo	Škoda Octavia, 2017.
Vojno muftijstvo	Škoda Octavia, 2020.				
44.	Ministarstvo pravde Bosne i Hercegovine	18 <i>(10 specijaliziranih - Odjeljenja sudske policije BiH i 8 vozila za ostale potrebe Ministarstva)</i>	4	ministar	Audi A6 3.0 QUATTRO, 2017.
				zamjenik ministra	VW Passat B8, 2015.
				sekretar Ministarstva	Peugeot 508 Allure, 2018.
				šef Kabineta ministra	Renault Megan, 2017.
45.	Ministarstvo sigurnosti Bosne i Hercegovine	21	3	ministar	VW Touareg, 2019.
				zamjenik ministra	BMW 530d, 2016.
				sekretar Ministarstva	<i>Pozicija nije popunjena.</i>
46.	Ministarstvo vanjske trgovine i ekonomskih odnosa Bosne i Hercegovine	8	3	ministar	Audi A&, 2015.
				zamjenik ministra	VW Passat, 2015.
				sekretar Ministarstva	Toyota Land Cruiser, 2009.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
47.	Ministarstvo vanjskih poslova Bosne i Hercegovine	14 službenih/specijaliziranih vozila	3 <i>(4 vozila stavljena na raspolaganje 24 sata)</i>	ministar vanjskih poslova BiH	Škoda Octavia, 2022. Audi A8, 2013. <i>(Vozilo se koristi prilikom službenih putovanja.)</i>
				zamjenik ministra	Volkswagen Passat, 2018.
				sekretar Ministarstva	Škoda Octavia, 2022.
48.	Ministarstvo za ljudska prava i izbjeglice Bosne i Hercegovine	8 službenih vozila i 11 specijaliziranih vozila (ukupno 19)	3	ministar	Škoda Octavia, 2017.
				zamjenik ministra	Ford Mondeo, 2016.
				sekretar Ministarstva	Nisan QASHQA1J11, 2021.
49.	Pravobranilaštvo Bosne i Hercegovine	4	3	pravobranilac	Passat, 2013. Opel Astra, 2014.
				2 zamjenika pravobranioca	
50.	Regulatorna agencija za komunikacije Bosne i Hercegovine	10	1	generalni direktor Agencije	VW Passat 2.0 TDI, 2016.
51.	Regulatorni odbor željeznica Bosne i Hercegovine	1	1	direktor Odbora	Škoda Superb, 2016.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
52.	Parlamentarna skupština Bosne i Hercegovine	16	6	predsjedavajući/zamjenik predsjedavajućeg doma	VW Passat, 2022.
				predsjedavajući/zamjenik predsjedavajućeg doma	VW Passat, 2016.
				predsjedavajući/zamjenik predsjedavajućeg doma	VW Passat, 2015.
				predsjedavajući/zamjenik predsjedavajućeg doma	VW Passat, 2015.
				predsjedavajući/zamjenik predsjedavajućeg doma	BMW 530 xD, 2021.
				predsjedavajući/zamjenik predsjedavajućeg doma	BMW 530 xD, 2021.
53.	Služba za zajedničke poslove institucija Bosne i Hercegovine	3	3	direktor	VW Passat, 2015.
				zamjenik direktora	VW Passat, 2018.
				zamjenik direktora	Škoda Octavia, 2013.
54.	Služba za poslove sa strancima	4	3	direktor Službe	Peugeot 509, 2016.
				zamjenik direktora Službe	Škoda Octavia, 2015.
				pomoćnik direktora za unutrašnju kontrolu	Škoda Octavia, 2018.
55.	Sud Bosne i Hercegovine	3	0	-	-
56.	Tužilaštvo Bosne i Hercegovine	19	1	glavni tužilac	Audi A6, 2014.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
57.	Uprava za indirektno oporezivanje Bosne i Hercegovine	6	6	direktor UIO	Audi A6, 2013.
				pomoćnik direktora Sektora za poslovne usluge	VW Passat, 2013.
				pomoćnik direktora Sektora za informacione tehnologije	VW Passat, 2013.
				pomoćnik direktora Sektora za provođenje propisa	VW Passat, 2013.
				načelnica Odjeljenja za internu reviziju	Škoda Fabia, 2014.
				šef Odsjeka za provođenje propisa u Regionalnom centru Banja Luka	VW Passat, 2006.
58.	Uprava Bosne i Hercegovine za zaštitu bilja	2	1	direktor Uprave	Citroen C5, 2016.
59.	Ured koordinatora Brčko distrikta BiH u Vijeću ministara Bosne i Hercegovine	3 (2 vozila koriste se za dolazak na posao i odlazak sa posla– Škoda Octavia, 2012. i Hyundai I30, 2017. Koriste ih 2 pomoćnika koordinatora i tehnički sekretar.)	1	koordinator Ureda	Audi A6, 2012.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
60.	Ured koordinatora za reformu javne uprave Bosne i Hercegovine	3	3	koordinator za reformu javne uprave	Passat AC – karavan, 2010.
				zamjenik koordinatora za reformu javne uprave	Škoda Octavia, 2018.
				zamjenik koordinatora za reformu javne uprave	VW Tiguan, 2010.
61.	Ured za harmonizaciju i koordinaciju sistema plaćanja u poljoprivredi, ishrani i ruralnom razvoju	1	1	direktor	Škoda Octavia 1.9 TDI, 2012.
62.	Ured zastupnika/agenta Vijeća ministara Bosne i Hercegovine pred Evropskim sudom za ljudska prava	1 VW Golf VI, 2012.	0	<i>Službeno vozilo se koristi za obavljanje službenih zadataka iz nadležnosti Ureda zastupnika.</i>	
63.	Ured za razmatranje žalbi Bosne i Hercegovine	2	0	-	-
64.	Ured za reviziju institucija Bosne i Hercegovine	6	3	glavni revizor	VW Passat, 2018.
				zamjenik glavnog revizora I	VW Passat, 2018.
				zamjenik glavnog revizora II	VW Passat, 2017.

Red. broj	Naziv institucije	Ukupan broj službenih vozila kojima institucija raspolaže	Ukupan broj osoba kojima je službeno vozilo stavljeno na raspolaganje 24 sata dnevno	Pozicija osobe kojoj je službeno vozilo stavljeno na raspolaganje 24 sata dnevno	Model vozila i godina proizvodnje
65.	Ured za zakonodavstvo Vijeća ministara Bosne i Hercegovine	2	1	direktor	Škoda Rapid, 2017. Hyundai Tucson, 2022.
66.	Ustavni sud Bosne i Hercegovine	3	0	<i>Pravo na korištenje službenih vozila imaju predsjednik, potpredsjednici i sudije i ono uključuje prevoz do mjesta stanovanja, odnosno prebivališta, do sjedišta US suda i mjesta rada i nazad.</i>	-
67.	Ured za veterinstvo Bosne i Hercegovine	12	2	direktor Ureda	NISAN QASQAI, 2021.
				zamjenik direktora Ureda	POLO 1.0 TSI, 2018.
68.	Visoko sudsko i tužilačko vijeće Bosne i Hercegovine	14 (11 službenih specijaliziranih 3 službena vozila)	0	-	-
UKUPNO			154 osobe kojima je službeno vozilo stavljeno na raspolaganje 24 sata dnevno (156 vozila)		